

սպասաւորութենէ քրիստոնէից, որով Իսմայիլացւոցն Ուզ (= 1187) թուին հայոց. ի վերայ որոց բազում արեանց հեղմունք եղեն լատինացւոց բազմացեղ ազգաց»։ (տե՛ս նաև ՄՁ. Թ. 297, Թ. 1930, Թ. 1946. Արձագանգ. 1891. Թ. 62. Նոր Դար. 1891. Թ. 65)։ Լամբրոնացիին կը վախճանի 1198ին։ Տեսնել իր իր կենսագրութիւնը և երկախորտիւնները (Ազգայն. էջ 1454 և 1536—1544)։

Լամբրոնացիին մայրը՝ Շահանդուխտ ևս 1169ին ուխտաւորութեամբ այցելած է Ս. Երուսաղէմ և ապա վերադարձած է հայրենիք։ Իր մասին տեսնել Լամբրոնացիին Մեկն. Սաղմուսի յիշատակարանը, ընդօրինակութեամբ Սաւունի կրօնաւորի (Տաշ. Ցուց. էջ 333 նաև Արծրունեան, էջ 188)։

ՆԵՐՍԻՍ ԵՊՍ. ԳԷՈՐԳԵԱՆ, ԹԷՔԻՐՏԱՂՅԻ.— Մբ. Ծ. 1828 ին. աւազանի անունը Կարապետ. Ձո. 1853ին. ՏՊ. (1854—56) աւագ քարգման (1856—63). ն. Հնդկաց (1866—68). կը ձեռնադրուի եպս. 1876ին. արքեպս. 1902. Առ. Թէքիրտաղի (1877—1888). դարպասընկալ (1889—96). փոխսնտրոյ (1896—1906). կը վախճանի Երուսաղէմի մէջ 1906ին։ Ի նպաստ Ս. Յակոբի վանքին յիշատակ կը թողու մթերանոց մը Յոպպէի մէջ (Արձնգր. Տն. Ժողովի 1889)։ Ներսէս եպս. իր նուիրակութեան առթիւ գրի առած է Հնդկաց կռապաշտական սովորութիւնները և 1874 ին հրատարակած է Սիսի մէջ։ Ներսէս եպս.ի Հնդկաց նուիրակութեան առթիւ խնդիր ծագած է թէ ի՛նչ իրաւասութեամբ Ս. Յակոբի Աթոռը, առանց գլխութեան Ջուղայի Ամենափրկչի վանքի առաջնորդին, նուիրակ կը զրկէ Հնդկաստան, յետ քըննութեան հաստատուած է թէ՛ Ջուղայի առաջնորդ Խաչատուր եպս. Յարութիւնեան, Վաղարշապատեցի (1838—1842), «վաւերական գրութեամբ առ Երուսաղէմ, տուեալ է արձակութիւն Աթոռոյն, որպէս զի ազատ իցեն հանելոյ նուիրակ ի Հնդկաստան և վարմանք մեծ՝ չունելն այժմ այս եկողի ընդ իւր զայն հրամանափր»։ (Արշարոյս Արարսեան, 7 Դեկտ. 1868)։

ՆԵՐՍԻՍ ԵՊՍ. ԽԱՐԱՍԽԱՆԵԱՆ, ՄՇԵՅԻ.— Մբ. Մշոյ Ս. Կարապետի. Ծ. 1847ին, Ձո. 1874ին. Վանահայր և Առ. Մշոյ (1889—93). կը մեկնի Բաղէշ և ապա Պոլիս (1893—94). քարոզիչ Բերայի 1895ին. ազգ. խնդիրներու առթիւ 1896ին կը տարազրուի